

## **BASES ESPECÍFICAS DA CONVOCATORIA DO CONCELLO DE BOIRO DE BOLSAS A ESTUDANTES 2020**

**Base 1.- OBXECTO.-** O Concello de Boiro ten por obxecto o establecemento de axudas económicas ao alumnado matriculado en centros públicos que necesite desprazarse ou residir fora do domicilio por razón de estudos, fóra do termo municipal. A dotación total da presente convocatoria será de 5000 euros con cargo á aplicación orzamentaria 326/48000.

Non se inclúen nesta convocatoria:

-As bolsas para a realización de estudos correspondentes ao terceiro ciclo ou doutorado.

-Estudos de especialización nin títulos propios das universidades.

-Estudos que non formen parte do sistema universitario galego, ou ben que non formen parte da oferta educativa da Consellería de Educación, Xunta de Galicia.

- Centros de estudos privados ou academias de preparación de estudos.

Estas bolsas serán compatibles con outras axudas públicas ou privadas para a mesma finalidade.

### **Base 2.- SOLICITANTES.-**

Poderán participar nesta convocatoria o alumnado que curse estudos técnicos, medios ou superiores que non poidan ser cursados no Concello de Boiro, que reúnan os seguintes requisitos:

2.1.- Estar empadroados en Boiro, cunha antigüidade mínima do solicitante de 2 anos.

2.2.- Ter unha idade máxima de 27anos no momento da solicitude.

2.3.- Non ter repetido curso no ano anterior.

### **Base 3.- DOCUMENTACIÓN.-**

As solicitudes preséntanse no modelo normalizado que se achega ao final destas bases(ANEXO I), e que tamén se poderán conseguir na páxina [www.boiro.org](http://www.boiro.org) .

Ás solicitudes achegaráselles a seguinte documentación (orixinais ou copias compulsadas):

3.1.- DNI do solicitante.

3.2.-Certificado ou volante de empadramento no Concello de Boiro no que conste unha antigüidade mínima do solicitante de 2 anos.

3.3.- Certificación da conta bancaria.

3.4.- Copia da matrícula.

3.5.- Copia do Contrato de Aluguer

3.6.- Documentación que acredite:

- A nota media do expediente académico.
- A porcentaxe das sinaturas ou créditos matriculados en convocatoria ordinaria ou extraordinaria superados no curso anterior, ou no caso de ser o primeiro ano a puntuación da nota ou proba de acceso.

3.7.- Certificación, no seu caso, de discapacidade, condición de familia numerosa, familia monoparental e orfandade total ou parcial.

3.8.- Certificación de desemprego do titor/a/es legais ou persoas ao cargo onde figure a temporalidade como demandante de emprego .

3.9- Outra documentación que se estime oportuna non recollida nos apartados anteriores.

#### **Base 4.- LUGAR E PRAZO DE SOLICITUDE.-**

As solicitudes deberanse presentar no Rexistro Xeral do Concello de Boiro entre o **31/01/2020** e o **15/02/2020**, ambos incluídos.

O defecto, erro ou ausencia na presentación da documentación deberá ser corrixido no prazo de 10 días hábiles dende a recepción do requirimento. De non facelo, arquivarase a solicitude e non terá dereito a reclamación.

#### **5.- CONCESIÓN DAS BOLSAS.-**

5.1.-A concesión das bolsas realizarase mediante un réxime de concorrencia competitiva, por resolución da Xunta de Goberno Local, de acordo coa delegación de atribucións realizadas por Decreto de Alcaldía de 09/07/2019, previa proposta motivada dunha comisión avaliadora, que estará composta por:

- Presidente: Alcalde ou concelleira/o en quen delegue.
- Secretario: O/A secretario/a da corporación, ou funcionario/a en quen delegue, que actuará como secretario/a da comisión, con voz pero sen voto.
- Vogais:
  - Concelleira de Educación.
  - 1 técnico/a, designado pola Concelleira de Educación, encargado da supervisión da documentación.

5.2.-A adxudicación realizarase en función da seguinte puntuación:

- Familia monoparental: 2 puntos
- Familia numerosa: 1 punto
- Orfandade do/a proxenitor/a: 2 puntos
- Orfandade absoluta: 3 puntos
- Discapacidade do/a solicitante: 1 punto
- Nota de expediente académico:
  - de 5,000 puntos ata 6,000: 1 punto
  - de 6,001 puntos ata 7,000: 2 puntos
  - de 7,001 puntos ata 8,000: 3 puntos
  - de 8,001 puntos ata 9,000: 4 puntos
  - de 9,001 puntos ata 10: 5 puntos
- Desemprego continuado de 1 proxenitor/a, de 6 meses ou máis: 1 punto
- Desemprego continuado de 1 proxenitor/a, de menos de 6 meses: 0`5 puntos.
- Desemprego continuado de 2 proxenitores, de 6 meses ou máis: 2 puntos.
- Desemprego continuado de 2 proxenitores, de menos de 6 meses: 1 puntos.
- Residencia e transporte:
  - Reside fóra do termo municipal de Boiro e dispón de contrato de aluguer: 3 puntos.
  - Reside no termo municipal e non dispón de contrato de aluguer: distancia ao centro de ensino matriculado, en quilómetros so de ida:
    - Máis de 60,01 km: 3 puntos

- Entre 30 e 60 km: 2 puntos
- Entre 15 e 29,99 km : 1 punto

5.3.-Unha vez realizados os baremos e establecidas as puntuacións, as bolsas distribuiranse do seguinte xeito:

- De 1 a 4 puntos: Beca contía básica de 100 euros.
- Entre 4 e 7 puntos: Beca contía intermedia de 150 euros.
- Máis de 7 puntos: Beca contía máxima de 200 euros.

5.4.- En caso de que entre as persoas solicitantes non cumpran os requisitos de puntuación para obter algunhas das bolsas especificadas no apartado anterior a comisión de valoración terá en conta en primeiro as de maior puntuación ata esgotar a partida orzamentaria. En caso de empate, resolverase por orde de entrada no rexistro xeral.

5.5.A resolución da convocatoria ao abeiro do disposto nestas bases farase pública na páxina web do Concello de Boiro ([www.boiro.org](http://www.boiro.org)) e nos taboleiros de anuncios da Casa do Concello, e será notificada polo procedemento que indiquen na solicitude a todas as persoas solicitantes de forma fidedigna. En todo caso esta resolución farase pública antes do 27 de marzo do 2020.

Contra a desestimación expresa ou presunta das solicitudes presentadas poderán formularse os recursos que procedan.

5.6.Toda alteración das condicións para a concesión da axuda poderá dar lugar, no seu caso, á modificación do acordo.

## 6. DISPOSICIÓNS FINAIS

Estas bases foron aprobadas na Xunta de Goberno Local de 30 de xaneiro 2020.

**SR. ALCALDE-PRESIDENTE DO CONCELLO DE BOIRO**